

॥ ត្រៃតាតា ៦២ កេសី ២២ ॥



AWIG-AWIG DESA ADAT GUNAKSA. MURDHA CITTA

Om Swastiastu,

Saking asung kertha waranugrahan Ida Sang Hyang Widhi Wasa, malarapan gilik saguluk saha citta nirmala wastu siddha kasurāt Awig-awig Deśa Adat Gunakṣa puniki.

Awig-awig gumanti pinaka bungkah pamikukuh deśa adat sajeroning midabdabin kalih nyanggra kasukerthan krama deśa rawuhing kulawarga pawongania. Taḷer malarapan antuk dharma prawerti ngrajegang Sang Hyang Aji Agāma mānūt dreṣṭa. Sajawaning dreṣṭa inucap, pamekas Pancasila, Undang-Undang Dasar 1945, tata titi miwah ajñan sang rumaga Guru Wiśeṣa tan kalepasin antuk Awig-awig puniki.

Mogi waṣṭu siddha mikolihang kasukerthan mānūt ring petitisnyane.

Om Santih Santih Santih Om.

DAGING AWIG-AWIG

DESA ADAT GUNAKSA

	MURDHA CITTA.....	ha
	DAGING AWIG-AWIG.....	na
SARGA I	ARAN LAN WEWIDANGAN DESA	1
SARGA II	PETITIS LAN PAMIKUKUH	1
SARGA III	SUKERTHA TATA PAKRAMAN	2
	Palet 1 Inḍhik Krama.....	2
	Palet 2 Inḍhik Prajuru Desa	8
	Palet 3 Inḍhik Kulkul.....	10
	Palet 4 Inḍhik Paruman.....	11
	Palet (5) Inḍhik Druwen Desa.....	12
	Palet 6 Indik Sukertha Pamitegep.....	13
	Kaping 1 Karang, Tegal lan Carik.....	13
	Kaping 2 Kakayonan	15
	Kaping 3 Inḍhik Wewangunan.....	16
	Kaping 4 Inḍhik Wewalungan.....	16
	Kaping 5 Inḍhik Bhaya lan Duṣṭa	17
	Kaping 6 Panyanggran Bañjar.....	18
SARGA IV	SUKERTHA TATA AGAMA	18
	Palet 1 Inḍhik Dewa Yajña.....	18
	Palet 2 Inḍhik Resi Yajña.....	27
	Palet 3 Inḍhik Pitra Yajña.....	27
	Palet 4 Inḍhik Mānuṣa Yajña	28
	Palet 5 Inḍhik Bhūta Yajña	29
SARGA V	SUKERTHA TATA PAWONGAN	29
	Palet 1 Inḍhik Pawiwahan	29
	Palet 2 Inḍhik Nyapihan	32
	Palet 3 Inḍhik Sentana	34
	Palet 4 Inḍhik Warisan	35
SARGA VI	WICARA LAN PAMIDANDHA	37
	Palet 1 Inḍhik Wicara	37
	Palet 2 Inḍhik Pamidhandha	38
SARGA VII	NGUWAH-NGUWUHN AWIG-AWIG	40
SARGA VIII	P A M U P U T	40

SARGA I
ARAN LAN WEWIDANGAN DEŚA

PAWOS 1

- (1) Deśa Adat puniki mawāṣṭa Deśa Adat Gunakṣa.
- (2) Jebar kakuwub wewidangania mawates nyatur deśa:
- ha. Sisi Wetan : Deśa Adat Sangging, Desa Adat Karangdadi, Desa Adat Dawan
 - na. Sisi Kulon : Deśa Adat Sulang, Deśa Adat Sampalan, Deśa Adat Tangkas.
 - ca. Sisi Lor : Deśa Adat Dawan, Deśa Adat Lebu lan Sukahet.
 - ra. Sisi Kidul : Selat Badung.
- (3) Deśa puniki kawangun antuk karang ayahan deśa, turmaning kaepah dados 7 (pitung) bañjar adat luire:
- ha. Bañjar Babung.
 - na. Bañjar Tengah.
 - ca. Bañjar Nyamping.
 - ra. Bañjar Kebon.
 - ka. Bañjar Bandung.
 - ga. Bañjar Patus.
 - ta. Bañjar Buayang.

SARGA II
PETITIS LAN PAMIKUKUH

Pawos 2

Deśa Adat Gunakṣa ngamanggehang pamikukuh minakadi:

- ha. Pañcasila.
- na. Undang-Undang Dasar 1945.
- ca. Tri Hita Karaṇa mānūt sadacara Agāma Hindu.

Pawos 3

Luir petitis Deśa Adat Gunakṣa puniki kasurāt sakadi ring sor:

ha. Mikukuhin kalih ngrajegang Sang Hyang Aji Agāma.

na. Nginggilang tata prawertining magāma.

ca. Ngrajegang kasukerthan deśa, saha pawongania sekala lan niskala.

SARGA III

SUKERTHA TATA PAKRAMAN

Palet 1

Indhik Krama

Pawos 4

- (1) Sane kabawos warga Deśa Adat Gunakṣa inggih punika sahananing jadma sane magāma Hindu jumenek ring wewidangan Deśa Adat Gunakṣa, tur satinūt ring awig-awig Deśa Adat Gunakṣa lan pamarginia.
- (2) Sane kabawos krama deśa inggih punika sahananing jadma warga Deśa Adat Gunakṣa sane sāmpun alaki rabi muah teruṇa tur sāmpun maduwe pangayah, yadiastu kaayahin antuk nyama, adi, miwah meme taḷer antuk ipianak, ngemong wiyadin tan ngemong karang deśa saha tinūt ring pamargin awig-awig Deśa Adat Gunakṣa, tur nganūtin Agāma Hindu saha nyiwi Kahyangan Deśa Adat Gunakṣa.
- (3) Jadma wed saking Deśa Adat Gunakṣa yadiastu tan jumenek ring wawengkon Deśa Adat Gunakṣa yan kanton satinūt ring awig-awig Deśa Adat lan pamarginia taḷer kasinanggeh krama Deśa Adat Gunakṣa.
- (4) Sajabaning kaucap ring ajeng punika sinanggeh tamiu.

Pawos 5

Krama Deśa Adat Gunakṣa kapalih saking petang soroh luire:

ha. Krama ngarep, krama deśa sane sāmpun alaki rabi, lan sāmpun bulangkep sane magenah ring sawengkon Deśa Adat Gunakṣa uthāwi ring dhūra deśa.

- na. Krama patus luh, inggih punika sane balu luh uthāwi muani sane majalaran antuk nyapihan wiadin sinalih tunggil katinggalan lampus, sane naenin mapatus ngarep.
- ca. Pangrawuh saking dhūra deśa, tur jumenek ring Deśa, Gunakṣa malarapan saking ngregeh pangupajiwa miwah sane siosan, sangkaning patilar rahayu saking deśania saha ilikita.
- ra. Krama pangeling inggih punika krama sane wed Desa Adat Gunakṣa sane magenah ring Deśa Isch, Kecamatan Sidemen Kabupaten Karangasem, kantun eling tur mipil ring Deśa Adat Gunakṣa.

Pawos 6

Panamaya tedhun makrama deśa:

ha. Risāmpune tedhun mabañjar.

na. Tedhun makrama bañjar kamargiang mānūt sakadi ring sor:

1. Yan nyelosin krama tua, tan keni panutug punapa-punapi malih ring, bañjar, sang kacelosin sinanggeh nyada.
2. Sane tan nyelosin patūt tedhun mabañjar 42 rahina ngawit pawiwahan saha nutug mānūt paraḡem.
3. Yan wenten jadma saking dhūra deśa sane magāma Hindu jumenek ring Deśa Gunakṣa lintangan ring 42 rahina, patūt katerag olih Prajuru Bañjar sane ngwengkonin mānūt pawos 5 ring ajeng tur nawur panutug ring bañjar lan deśa mānūt paraḡem.
4. Malarapan antuk nyentana ring Deśa Adat Gunakṣa.

Pawos 7

Sahanan krama deśa keni ayah-ayahan luire:

ha. Krama ngarep ngamarginin ayah-ayahan krama ngarep;

na. Krama patus luh ngamarginin ayahan-ayahan patus luh mānūt paraḡem;

ca. Krama Babung tan keni ayah-ayahan nedunang, ngluarang, makemit, lan mudalang ritatkala pujawali ring Kahyangan Tiga saantukan sāmpun ngemong Pura Puseh Babung.

Pawos 8

Wewedalan (peson-peson) kalih paturunan ring krama desa wenten kadi ring sor:

- ha. Krama ngarep keni peson-peson miwah paturunan weweg.
- na. Krama patus luh keni peson-peson kalih paturunan ritatkala ngupahayu desa, mănūt paraŕem.
- ca. Prade wenten sinalih tunggil tan nganūtin pamargi ring ajeng wenang krama deśa inucap keni pamidhaṇḍha mănūt paraŕem.

Pawos 9

Swadharmaning krama deśa luire:

- ha. Astiti bhakti ring deśa.
- na. Satinūt ring sadaging awig-awig lan paraŕem deśa.
- ca. Tan maren ngutsahayang mangde deśane prasiddha nyujur mănūt petitis.
- ra. Ngamargiang sahanan pitudhuh Guru Wiśeśa lan Prajuru Deśa mănūt awig-awig, miwah paraŕem deśa.

Pawos 10

(1) Sane kaucap wiadin kawāṣṭanin tamiu luire:

- ha. Malelungaan.
- na. Sasudian deśa uthāwi Guru Wiśeśa.
- ca. Duduk-dudukan.
- ra. Masundulang raga.
- ka. Kadang warga antuk sinalih tunggil krama deśa.
- ga. Ngreŕeh pangupajiwa miwah sane siosan mănūt paraŕem deśa.

(2) Swadharmaning tamiu luire:

(ha.) Wantah keni gotong-royong, mănūt paraŕem.

na. Patūt satinūt ring pamargin awig-awig Deśa Adat Gunakṣa sane kamanggehang.

(3). Yening wenten tamiu madunungan ring sinalih tunggil krama wiadin warga Deśa Gunakṣa, tur magawe kaon, sang kadunungan patūt keni pamidhaṇḍha, mănūt paraŕem.

(4) Tamiu sane jumenek ring Deśa Adat Gunakṣa lintangan ring 42 rahina majalaran sungkan tan keni urah-arih ring ajeng.

Pawos 11

Krama Desa Pangeling Saking Isch.

- ha. Sane kawāṣṭanin krama desa pangeling saking Isch, inggih punika krama wed Desa Gunakṣa sane magenah ring Desa Isch, tur munggah mipil ring Desa Adat Gunakṣa saṅg nyungsung panyiwian desa saha keni saurah-arih pamargin adat, sajaba papatusan.
- na. Krama Desa pangeling saking Isch sane mipil ring Desa Adat Gunakṣa patūt nyudi Kelian uthāwi patajuh ring Isch.
- ca. Krama Desa saking Isch sane sāmpun alaki rabi patūt masadok mipil ring Kelian inucap.
- ra. Kelian krama desa pangeling saking Isch patūt ngamel cacakan krama sane mipil ring Desa Gunakṣa tur nyadokang kawenten kramannyane rikala rahina Wraspati Umanis Dungulan majeng ring Prajuru Desa Gunakṣa.
- ka. Krama desa pangeling saking Isch patūt nawur pangoot kehinia mānūt paraṅem satunggil rahina Wraspati Umanis Wuku Dungulan majeng ring Prajuru Desa Adat Gunakṣa.
- ga. Krama desa pangeling saking Isch uthāwi keliania tan patūt nglinyokang wiadin ngungkubin krama sane patūt mipil ring Desa Adat Gunakṣa,
- ta. Yaning nenten masadok mipil boya kawāṣṭanin krama Desa Adat Gunakṣa tur yan jagi mamuatang pamuput adat ring Desa Gunakṣa kabawos krama dhura desa.

Pawos 12

Ninggal Desa:

- ha. Sane kabawos ninggal desa, matilar saking Desa Adat Gunakṣa tur wusan madesa adat.
- na. Yan krama irakip mawali malih tedhun makrama Desa Adat pamargin kadi ring sor
 - 1. Mawali sajeroning 3 (tigang) warṣa patūt nawur panutug mānūt paraṅem.
 - 2. Yan lintang ring 3 (tigang) warṣa pamargin sakadi krama ngawit.

Pawos 13

Magingsir makrama bañjar:

- ha. Yan wonten krama bañjar magingsir makrama bañjar sajeroning Desa Adat Gunakṣa patūt keni pami-

dhandha ring bañjar sane kakaonin tur ring bañjar sane kaungsi keni pamopog saha nutug kas bañjar mănūt parařem.

na. Sane dados magingsir mabañjar inggih punika sangkaning ngwaris tur sane kawarisin maduwe śawa ring bañjar sane kaungsi.

ca. Sang magingsir mabañjar patūt makta ilikita saking bañjarnyane ngūni.

R. (Kanyat / peperangan) iki Sang Sane patut.

Pawos 14

Petias uthāwi olih-olihan krama deśa luire:

ha. Patūt polih pangayoman saking Prajuru Deśa lan krama deśa mařep ring kasutřeptian pawongania, padruwenia uthawi yajñania miwah polih pitulung pangřemba saking krama deśa rikala mangguh pakewuh, kadhūhkitan, katiban bhaya, karya abot uthāwi siosan mănūt petitis deśa malarapan antuk awig-awig lan parařem deśa.

na. Patūt kabawosin tur kapidabdabin olih Prajuru Deśa tur suka katiwakin pamutus sahananing wicarania.

ca. Patūt nyarengin paruman deśa lan bañjar, saha patūt mařtikayang daging pamutus paruman.

ra. Patūt nyudi lan kasudi dados prajuru muang sane siosan, patūt polih pwangkidan uthāwi nyaluk lan leluputan mănūt kawentenania, mănūt daging parařem luih ipun:

1. Mapwangkid uthawi nyaluk sangkaning

- + Sungkan,
- + Matepetin,
- + Mayajña ngundang braya lintangan ring 50 (seket) diri,
- + Kundangan ring braya nampah suku pat,
- + Majenukan ke dhura deśa,
- + Nampah suku pat (nguling) anggen ulam banten aturan,
- + Ritatkala dewaśa nandur sasekepan malinggah pinih alit bit depuk, miwah sane siosan mănūt parařem.

2. Yan wenten krama deśa madruwe yajña ring pura padadianan, sinařengan pamargin karyane ring pakaryan deśa, sajeroning aśaśih sadurung yajña punika, kadadosang mapwangkid uthawi nyaluk ring deśa.

3. Sang mapwangkid uthāwi nyaluk sangkaning sungkan, wastu sajeroning arahina katumonang nglimbak nglintangin wewengkon Deśa Adat Gunakṣa sajawaning ngreḥ tamba keni pamidhaṇḍha nikel.

Pawos 15

Leluputan ayah-ayahan lan papeson:

ha. Leluputan lan papeson katibakang maḥep ring:

1. Pamangu deśa
2. Warga sane kantun masekolah yadiastu sāmpun mayuśa 17 (pitulas) warṣa nanging durung alaki rabi.
3. Prajuru bañjar, deśa uthāwi kelian patus mānūt paraḥem.
4. Krama deśa sane kasudi olih Prajuru deśa ngremba pakaryan deśa mānūt paraḥem.

na. Ageng alit leluputan inucap kamanggehang olih Prajuru Deśa mānūt ring swadharmaning sang polih leluputan mānūt paraḥem.

ca. Krama deśa polih luput manuk adiri sane ngremba pakaryan deśa uthāwi nyungsung palinggih ring Pura Deśa luire:

1. Nagha Bhasukian.
2. Patinggi.
3. Kūṇṭa Rawos.
4. Kagaduhan.
5. Kadangkan.
6. Bhaṭarā Ghaṇa.
7. Panyarikan.

8. Krama deśa sane kasudi olih Prajuru Deśa nunas tirttha Tawur Kasanga.

ra. Sane kawāṣṭanin luput manuk, sang polih leluputan punika nenten malih keni ayah-ayahan miwah papeson ring deśa saantukan ngremba deśa mānūt akṣara ca.

Pawos 16

Wusan dados krama deśa.

ha. Wusan ngamarginin krama deśa malarapan antuk:

1. Pādhem.
 2. Nyada mālūt saha jalarannia.
 3. Matilar saking Deśa Gunakṣa sangkaning pinunasnia wusan madeśa, tur mālūt daging paraṅem.
 4. Kausanang antuk krama deśa uthawi bañjar wit saking tan nganūtin pamargin awig-awig Deśa Adat Gunakṣa.
- na. Nembenin kausanang ngawit saking pamutus paraṅem Prajuru Bañjar, deśa, pamutus inucap karauhang ring sang kausanang.
- ca. Sang wusan makrama deśa tan polih pah-pahan druwen deśa uthāwi bañjar.

Pawos 17

- (1) Yan wenten krama wusannyane sangkaning kanorayang, mawali malih makrama bañjar, deśa, patūt nawur panutug mālūt paraṅem.
- (2) Krama inucap patūt nunas pangampura ring paruman bañjar, deśa.

Palet 2

Iṇdhik Prajuru Deśa

Pawos 18

- (1) Deśa Adat Gunakṣa kaenter antuk Prajuru Deśa luire:
 - ha. Bendeśa Adat;
 - na. Patajuh;
 - ca. Panyarikan;
 - ra. Patengen;
 - ka. Kasinoman.
- (2) Bañjar kaenter antuk Kelian Bañjar.
- (3) Ritatkala ngenter sahananing karya ring Deśa Adat Gunakṣa kaṅemba olih Kelian Patus.
- (4) Sane kabawos Kelian Patus inggih punika, Prajuru Deśa Adat lan Dinas.

Pawos 19

Panyudian Prajuru Deśa uthāwi Bañjar

ha. Tata cara nyudi Prajuru Deśa;

1. Sane patūt kasudi dados Prajuru Deśa wantah warga sane sāmpun makrama deśa.
2. Sadurung sasudian kamargiang, sang jaga kasudi patūt katitenin olih Kelian Patus.
3. Prajuru Deśa kasudi antuk krama deśa (sajeroning paruman deśa.)

na. Prajuru Bañjar kasudi antuk krama bañjar.

ca. Sinoman kasudi antuk Prajuru Deśa uthāwi bañjar.

Pawos 20

Waneng dados Prajuru Deśa

- ha. Ngawit saking kadegang, mawaneng 5 (limang) warša.
- na. Yan sāmpun puput sengker limang warša prajuru patūt ngwedhar kawentenang puput sengkernyane ring paruman deśa, mangda kawentenang sasudian anyar.
- ca. Prajuru sane sāmpun puput sengker kangkat kasudi malih.
- ra. Prajuru Deśa uthāwi bañjar sane wusan sāmpun tutug sengker polih leluputan karya 3 (tigang) warša.

Pawos 21

Swadharmaning Prajuru Deśa.

- ha. Ngenter krama deśa ngamargiang swadharmaning krama mālūt awig-awig lan paraḡem.
- na. Niwakin pamutus uthāwi pawiraša, maḡep wicara krama deśa mālūt daging awig-awig.
- ca. Ngenterang sakañcan karya ring deśa.
- ra. Pinaka dhuḡa deśa ritatkala matemu wirāša majeng ring deśa siosan.

Pawos 22

Petias olih-olihan Prajuru Deśa uthāwi bañjar.

- ha. Luput peson-peson lan tetegenan.
- na. Polih petias mālūt paraḡem.

Pawos 23

Ngentosin Prajuru Deśa uthāwi Bañjar

ha. Prajuru kagentosin riantukan:

1. Pādhem.
 2. Tan prasiddha ngamargiang swadharmaning prajuru saantukan sungkan tahunan uthāwi pialang abot sane siosan.
 3. Pinunas ngraga tur sāmpun kalugra antuk paruman deśa.
 4. Kanorayang dwaning iwang pamargi nilar śāsana tur keni pamidhaṇḍha mānūt paraṇem.
- na. Ngentosin uthāwi ngrariyanang prajuru patūt kamargiang sajeroning paruman deśa uthāwi bañjar.

Palet 3

Indhik Kulkul

Pawos 24

- (1) Bacakan kulkul sane wenten ring wewidangan Deśa Adat Gunakṣa:
 - ha. Kulkul deśa adat.
 - na. Kulkul ring soang-soang Pura Deśa.
 - ca. Kulkul bañjar ring soang-soang bañjar.
 - ra. Kulkul Pura Dadia.
 - ka. Kulkul sekaa-sekaa siosan.
- (2) Suaran kulkul inucap kanggen pinaka tetenger ring deśa, bañjar, pura, sekaa satnaka atur uni nga saking prajuru marep ring krama sami.
- (3) Tabuh tetepakan kulkul soang-soang inucap ring ajeng, paṣṭika mānūt ring tetujonia tur mānūt ring pasubhayan krama.
- (4) Pamargi sane patūt macihna suaran kulkul luire:
 - ha. Pacang parum.
 - na. Pacang tedhun makarya.
 - ca. Pacang mapitulung ring sang kalayu sekaran.
 - ra. Ritatkala kapañca bhaya.

- (5) Suaran kulkul ring Deśa Adat Gunakṣa sakadi ring sor:
- ha. Suaran kulkul cihna geṇi bhaya, bulus pañjang nyantos wenten nyaurin, ring katiban bhaya bulus pañjang ngantos puput bhaya punika.
 - na. Cihna amuk durung keni, atuludan bulus, yan cihna amuk sāmpun keni wantah kalih tuludan.
 - ca. Ngetaraang maling patch sakadi kageṇi bhaya.
 - ra. Cihna ngrorod wiadin marangkat tigang tuludan cendek.
 - ka. Suaran kulkul nedunang krama atuludan sedeng.
- (6) Ritatkala kalayu sekaran Prajuru Bañjar patūt nyuarayang kulkul pangenten petang tuludan.
- (7) Sang patūt nyuarayang kulkul wantah Prajuru Deśa, Prajuru Bañjar, uthāwi sang kapitudhuh olih prajuru mānūt tatujon.
- (8) Sane nyuarayang kulkul tan sangkaning pitudhuh prajuru patūt keni pamidhaṇḍha mānūt paraṇem, sajawining kapañca bhaya.
- (9) Sang nyuarayang kulkul rikala kapañca bhaya patūt nyantos ring genah kulkul punika, pacang midharthayang pañca bhaya punika.
- (10) Kalaning katiban bhaya sang kakeni bhaya dados nyuarayang kulkul babañjaran sane pinih tampek yadiastun tan mabañjar irika.

Palet 4

Indhik Paruman

Pawos 25

- (1) Paruman ring Deśa Gunakṣa luire:
- ha. Paruman deśa;
 - na. Paruman bañjar;
 - ca. Paruman sekaa mānūt bebuat.
- (2) Paruman siddha katedhunin krama ngarep maduluran antuk arah-arrah, suaran kulkul tur sane rawuh langkungan ring satenga.
- (3) Sahananing pamutus kautsahayang pisan mangde malarapan antuk suara gilik saguluk, tan kada-

- dosang mamutus rikalaning krama deśa kirangan ring satenga.
- (4) Sadurung paruman deśa wiadin bañjar, Prajuru Deśa tekaning Prajuru Bañjar patūt ngwentenang sangkepan ring dina Redite Umanis Warigadian.
- (5) Paruman deśa kawentenang nyabrang 6 śasih satunggil dina Redite Pon Wuku Julungwangi, prade wenten kapiambeng paparuman punika kawentenang ring dina Redite Umanis Warigadian.
- (6) Paruman ring bañjar kawentenang mănūt wiganannia.
- (7) Sajeroning paruman deśa uthāwi bañjar, Prajuru Deśa uthāwi bañjar patūt namiyakang:
- ha. Muñjuk lungsuring krama makadi ayah-ayah.
 - na. Saluiring artha braña duwe.
 - ca. Inḍhik pamargi sane wawu wusan kapuputang uthāwi wewangunan.
 - ra. Rañcana prajuru ngeninin inḍhik usaha kapungkur.
 - ka. Sahanan wicara sane sāmpun polih pamutusnia.

Pawos 26

Sangkepan prajuru magekuat sakadi ring sor:

- ha. Kawentenang saniṣṭannia 6 śasih apisan nanging yan wenten bawos buat patūt ngwentenang paraḡem mănūt wiguṇa.
- na. Katuntun antuk Prajuru Deśa uthāwi Bendeśa Adat.
- ca. Kasarengin olih Prajuru Deśa muang sahanan Prajuru Bañjar.

Palet 5

Inḍhik Druwen Deśa

Pawos 27

Sane kabawos druwen deśa inggih punika sakadi ring sor:

ha. Kahyangan deśa:

1. Pura Puseh.
2. Pura Balc Agung.
3. Pura Dhaḡem Pakeñcan.

4. Pura Puseh Babung
 5. Pura Pawalang Tamak.
- na. Palinggih Bebajangan.
- ca. Setra desa Adat Gumaksa.
- ra. Saluwiring tanah desa, tegal wiadin carik palabha pura.
- ka. Tanah palinggih pura, pakarangan desa, sahā wewangunannia, rurung wiadin margi sajeroning Desa Gumaksa.
- da. Panyungsungan Rara Gede lan Gong abarung.
- ta. LPD Desa Adat Gumaksa.

Pawos 28

- (1) Sahananing druwen desa patūt kapiara olih krama desa.
- (2) Druwen desa marūpa tegal lan carik patūt kapastikayang antuk ilikita.
- (3) Yan wenten krama desa nglinyokang druwen desa sane prasiddha kabhuktang, patūt keni pamidhandha mănūt paraŕem.
- (4) Prade sang nglinyokang uthāwi mamandung tan kauningin patūt ikrama desa keni padewa saksiā ring Pura Dhalēm, sajawaning sang kasinggihang.
- (5) Yan wenten krama desa tan rawuh patūt nutug padewa saksiā tur ngamedalang prabeania.

Pawos 29

Yan wenten krama desa ngrusak druwen desa patūt mecikang saha keni pamidhandha mănūt paraŕem.

Palet 6

Indik Sukertha Pamitegep.

Kaping 1

Karang, Tegal lan Carik.

Pawos 30

- (1) Karang desa patūt kagenahin saha tlajakania patūt kagunayang tur kaayahang olih song-song krama desa.

- (2) Tata cara midabdabin karang, tegal lan carik sakadi ring sor:
 - ha. Satunggil pakarangan paumahan madruwe gegaleng kangin miwah kaler mănūt dreṣṭa.
 - na. Gegaleng carik uthāwi tegal sane matajungan patūt kapiara olih sang ngenahin duwuran.
 - ca. Gegalengan carik uthāwi tegal sane dangsah kadruwenang olih sane tengen saking pangalapannia.
- (3) Yan wenten wates karasayang nglikadin uthāwi rangka patūt katepasin olih prajuru, yan prade arṣa kangkat nganggen patok uthāwi pal saking Guru Wiṣeṣa.
- (4) Prade wenten karang, tegal uthāwi carik sane kabebeng, patūt kautsahayang pamargi uthāwi rurung olih prajuru.

Pawos 31

- (1) Sinalih tunggil krama deśa uthāwi banjar tan kaluga ngalahah tanah pakarangan, tegal, carik padreberan anak siosin punapi malih sane kadruwe antuk deśa uthāwi sane mabuat suci minakadi wewidangan kaluyangan, setra, margi miwah sane sios-siosin.
- (2) Yan wenten krama deśa malakṣaṇa kadi ring ajeng wenang katiwakin pamidhandha luire:
 - ha. Ngwaliang tanah sane kalahlah.
 - na. Pamidhandha panguwak suara ring deśa, mănūt paraṭem.
 - ca. Yan sane kalahlah marūpa genah sane suci krama inucap patūt ngentosin uthāwi mecikang makadi jati mula tur ngupahayu antuk pamrayaścitta.
- (3) Nanggap lan matimbang karang ayahan deśa sakadi ring sor:
 - ha. Sahanan karang deśa sane sāmpun katanggap tur kaayahang antuk krama deśa patūt kagenahin antuk sang ngayahang.
 - na. Yan wenten karang ayahan sane tan kagenahin tan katanggap tur tan wenten sane ngayahang patūt kadruwe antuk deśa.
 - ca. Krama sane polih nanggap karang patūt sāmpun madaging papayon (pawon) sajeroning tigang śasih, yan tan wenten pawangunan sajeroning tigang śasih patūt kawaliang ke deśa.
 - ra. Krama ngarṭep yaning pacang matimbang karang patūt polih uwak-uwakan antuk warisnia tur kasakṣinin olih Prajuru Deśa.

ka. Krama deśa tan patūt ngadol wiadin matimbang karang ayahan deśa uthāwi ngadeang ring jadma saking dhūra Deśa Gunakṣa punapi malih jadma inucap nenten magāma Hindu.

Kaping 2

Kakayonan

Pawos 32

- (1) Matatanduran tanem tuwuh sane ageng yogya saniṣṭania adhepa agung saking wates karang, mangda tan ngrebrebin wiadin mayanin ring siosan.
- (2) Prade wenten tanem tuwuh sane ngrebrebin uthāwi kanggeh pacang mayanin kapisaga wenang kawara, madasar paiguman sane becik mangda kakayonan punika digelis kaṛebah uthāwi katebtebin.
- (3) Yan wus kawara kadi inucap ring ajeng sang nerbenang tan satinūt uthāwi tan wenten usaha nagingin pinunas sang sane ngwara, sang rumasa kaṛebrebin tur ajerih pacang kabayanin patūt nyadokang ring Prajuru Deśa uthāwi bañjar.
- (4) Sajawaning pura, saluiring umah ring pabianan tan dados ngamargiang pangepet duaning sane mawāṣṭa umah kabawos tan patūt magenah ring abian.
- (5) Sane madrebe umah ring deśa dados ngepet saluiring wit taru, nanging awit kelapa patūt nawur 15 kilo beras.
- (6) Prabea mungkatang kaṣandhangin antuk sang ngepet, nanging saluiring bangken taru katiba ring sang nṛebenang.
- (7) Sane dados kaepet saluiring wit taru sane tumbuhnia pinih doh adhepa agung saking tembok pakarangan sang ngepet, uthāwi wit taru sane sendeh kasipat gantungan kirang ring adhepa agung.
- (8) Yadian dohan ring adhepa agung saking tembok pakarangan, yan Prajuru Bañjar uthāwi deśa makayunin wiyakti pacang ngrawuhang bhaya wiadin pakeweh ring sang ngepet, wit taru punika taler dados kaepet.
- (9) Yan wenten wit taru ngrubuhin papayon, pura miwah sakañcania taru sane pungkut patūt katiba ring sang nerbenang sane keni karubuhan.
- (10) Sang madrebe wit taru sane patūt maepet wiadin mapunggul mānūt adat tan dados nulak pemargi adat puniki.

Kaping 3

Indhik Wewangunan

Pawos 33

- (1) Sahanan krama deśa sane ngwangun, nenten kawenang nyapcap karurunge lan kamargi agung.
- (2) Gaguat dados ngwangun:
 - ha. Tan wenang nyapcap kapisaga.
 - na. Wewangunan sane kawangun mangda ngwangun ring genahnyane soang-soang.
 - ca. Wewangunan bañjar mangda kawangun ring genah bañjar.
 - ra. Wewangunan deśa mangda kawangun ring genah deśa.
 - ka. Sane tan satinūt ring pamargi inucap katiwakin pamidhaṇḍha mānūt paraṇem.

Kaping 4

Indhik Wewalungan

Pawos 34

- (1) Sahanan warga Deśa Adat Gunakṣa sane miara wewalungan patūt sayaga nitenin wewalungannia minakadi: negul, nglogor mangda tan ngrusakin karang uthāwi pabianan krama siosan, bilih-bilih jantos ngḷetehin kahyangan deśa.
- (2) Prade wenten wewalungan malumbar, galak jantos ngrusakin pakarangan, pabianan risāmpune kapalungguhang uthāwi polih kawara, kengin kataban tur kasadokang ring prajuru.
- (3) Prade ngḷetehin genah śuci risāmpune kaparitatas olih prajuru, sang nerbenang patūt keni pamidhaṇḍha, saha ngūpakāra kahyangan inucap mānūt puraṇa.
- (4) Tan kawenang ngangonang uthāwi negulang wewalungan ring genah-genah sakadi ring sor:
 - ha. Tlajakan kahyangan deśa uthāwi bañjar.
 - na. Margi agung ring deśa.
 - ca. Setra uthāwi alun-alun.
 - ra. Genah rawuhing pakarangan wewangunan deśa.
- (5) Yan wenten wewalungan ngeleb saha ngrusak druwen anak siosan, patūt kataban tur kapisedekang ring Prajuru Bañjar uthāwi deśa, ageng panebas mānūt paraṇem.

- (6) Pah-pahan panebas panaban katiba ring deśa uthāwi bañjar apahteluan, sane naban polih duang bagi.
- (7) Yan katebas lintangan ring arahina tur keni panumbas panedan sane kataban, ngetangan rahina tur sane naban patūt nureksain sane kataban.

Kaping 5

Indhik Bhaya lan Duṣṭa

Pawos 35

- (1) Sahanan lakṣaṇa sane tan rahayu sane mawasana ngwetuang pakobet, duhkita, duskertha, ring wong uthāwi krama deśa sinanggeh bhaya, wong sane ngawinang bhaya sinanggeh duṣṭa.
- (2) Sane sinanggeh bhaya uthāwi pañcabhaya luire:

ha. Jiwa bhaya	: kaamuk, kabaak, kaplegandang.
na. Artha bhaya	: kamalingan, karampok.
ca. Geṇi bhaya	: puwun.
ra. Bhayu bhaya	: angin linus.
ka. Toya bhaya	: blabar.

Pawos 36

- (1) Sahanan warga deśa sane katiban bhaya yogya digelis matur supekṣa ring prajuru uthāwi sang wenang mawosin.
- (2) Sahanan warga deśa sane uning ring wenten jadma malakṣaṇa duṣṭa, mayanin patūt digelis atur uninga ring Prajuru Bañjar uthāwi deśa.
- (3) Yening wenten warga katiban pañcabhaya, sang katiban bhaya uthāwi sang amangguh bhaya inucap, wenang digelis nyuarayang kulkul atur uninga ring Prajuru Bañjar, deśa uthāwi kengin nunas pitulung ring Guru Wiṣeśa.
- (4) Sahanan warga deśa patūt sayaga matatulung ngremba saha makta gagawan mānūt kawentenan bhaya punika.

Pawos 37

- (1) Yan prade pacang maseserep uthāwi ngeledah ritatkala kamalingan patūt nunas panguwak dumun ring Pra-

juru Bañjar uthawi deśa.

- (2) Maseserep ring seos bañjaran uthāwi deśa patūt kamargiang olih Prajuru Bañjar uthāwi deśa majeng ring Prajuru Bañjar lan deśa genahe maserep.
- (3) Prajuru patūt nuntun mangda pamargin sasepe nenten ngawinang duhkita.

Kaping 6

Panyanggran Bañjar

Pawos 38

- (1) Ritakala krama bañjar uthāwi deśa ngwentenang karya suka duka patūt polih panyanggra, pangremba saking bañjar uthāwi deśa mănūt pinunas sang mayajña.
- (2) Krama bañjar dados nunas saboan ring krama bañjar tatkala ngingsirang pepayon. Yan sareng abañjar nenten mrasiddhayang kengin nunas apatus.

SARGA IV

SUKERTHA TATA AGAMA

PALET 1

Indik Dewa Yajña

PAWOS 39

- (1) Pura-pura sane wenten ring Deśa Adat Gunakṣa luire

ha. Pura Kahyangan Deśa:

1. Pura Puseh.
2. Pura Puseh Babung.
3. Pura Dhaḷem Pakeñca.
4. Pura Bale Agung.
5. Pura Dhaḷem Setra (Dhaḷem Cungkub).
6. Pura Pawalang Tamak.
7. Pura Babajangan.

na. Pura Panyungsungan Subak.

ca. Pura Dadia.

ra. Pura Paibon.

(2) Siosan ring kahyangan désa sane taler dados panyungsungan désa inggih punika Ida Ratu Gede sane mapralingga Barong.

(3) Rahiṇa piodalan ring soang-soang pura inucap kadi ring sor:

ha. Pura Puseh : Wraspati Umanis Dungulan.

na. Pura Puseh Babung: Anggara Kliwon Medangsia.

ca. Pura Dhaḷem Pakeñcan : Wraspati Umanis Dungulan.

ra. Pura Bale Agung : Śaniścara Kliwon Kuningan.

ka. Pura Dhaḷem Setra : Śaniścara Kliwon Kuningan.

ga. Pura Pawalang Tamak : Anggara Kliwon Medangsia.

ta. Ida Ratu Gede : Buddha Kliwon Pahang.

ma. Palinggih Bebajangan : Sukra Kliwon Sungsang.

nga. Pura-pura siosan : Rahiṇa piodalania mānūt dreṣṭa soang-soang.

(4) Pangemong pura panyungsungan désa kamanggehang kadi ring sor:

ha. Pura Kahyangan Tiga, Dhaḷem Pakeñca, Pura Pawalang Tamak, Palinggih Bebajangan lan Ida Ratu Gede kasungsung olih krama désa sami.

na. Pura Puseh Babung kasungsung olih krama Bañjar Babung.

Pawos 40

Kasukerthan Kahyangan kadi ring Sor:

ha. Sahanan krama désa patūt nurekṣa mangden kasukerthan kalih kaśucian purane tan kaḷetchin.

na. Sang kacuntakan uthāwi sebel tan dadosang ngrañjing ke pura,

ca. Ring kahyangan tan kalugra malakṣaṇa kadi ring sor:

1. Maujar ala, ulah ala, punapi malih jantos ngwetuang rah kabawos ngletchin.

2. Makutu, ngambahang rambut, macecepin anak alit, mecikang wastra, makoratan, mabanyu muwah solah ala siosan.

3. Matatayuban uthāwi mainum-inuman jantos kataluan.

ra. Yan wenten jadma malakṣaṇa ngletchin kadi inucap ring ajeng, patūt keni pamidhaṇḍha artha mānūt paraḥem muang upākara mānūt śāstra agāma.

ka. Yan wenten kahyangan kadurmanggala luire: karubuhan taru, karusakang linus,

kahanan wangke, karahjangan wong edan, sato agung sajabaning mapapada,
wenang pahayu tunasang pamrayascitta ring sang pandhita.
ga. Yan wong rare, wong edan, ngjetchin kahyangan, sang maderbe kapaditan keni
prabca pamrayascitta.

Pawos 41

Rikala ngamargiang Dewa Yajña:

ha. Sahanan krama Deśa Adat Gumakja sajabaning prajuru uthāwi pamangku deśa lan
krama sane polih leluputan mănūt paraŕem wenang keni saurab-arib aci piodalan
ring panyungsungan deśa.

na. Rikala ngaturang piodalan, kalaksanayang olih pamucuk akehinia kalih bafjar
mănūt lilitan, kaŕemba olih krama deśa Adat Gumakja sinarnian. Pamargine kadi
ring sor:

1. Krama bafjar sane pamucuk ngaturang aci piodalan ring Pura Puteh miwah
ring Pura Dhalern Pakēca patūt nimpugang saha ngaturang ulam bebanten
pepek rawuhing songo, ulam karangan mabeteg miwah maetuh lan
reruntutannyane mănūt wigupania.
2. Sjabaning ulam kadi inucap ring ajeng talor ngaturang ulam karangan jaga
manggen pasuguh sekaa gong miwah towas Prajuru Deśa, mănūt paraŕem.
3. Krama bafjar sane ngremba ngamargiang among-amongan makādi: nedunang,
mudalang, makernit, mănūt lilitannyane.

ca. Ritakala ngaturang piodalan ring Pura Dhalern Setra miwah Pura Bale Agung
krama deśa kaopah ngaturang ayah nedhunang miwah mudalang mănūt paraŕem.

ra. Yan wenten sinalih tunggil krama deśa sane masorangi ngaturang piodalan ring
kahyangan deśa patūt masadok sanistania alasih sadurung rahina piodalan tur
dados kamargiang yan sâmpun polih uwak-uwakan saking Prajuru Deśa.
sane jolas pamucuk ngaturang aci?

Pawos 42

Tatacara marnefjor kamargiang kadi ring sor:

ha. Satunggil Galungan krama deśa patūt marnefjor. Yan cunika sane mapap saking
purusa tan marnefjor.

- sane ring sampiran mamodjor agi, sakawanan tan masanggah.
- na. Yan tan mamodjor patit keni pamiadhandha mndit parajem.
 - ca. Yan mamodjor tan ngawit deus keni pamiadhandha mndit parajem.
 - ca. Sang sipasira ngawit, mamandug pefjor saking sajeroning Anggara Wage
Dungulan ngawit Radu Umami Langkar patit keni pamiadhandha mndit parajem.
Yan kapandug, ulihwi karuak was patika tan kabawasan olih prajura.
 - ca. Nandab pefjor kamanggahang ring margi dea magawit ring ulung lebat
pekawanganis.
 - ga. Yan wenten sinilih tanggal krama badjar sane tan mamodjor ngangkem mamodjor,
yening katanggahang sajeroning enem isih, patit dhandha mndit parajem.
 - ta. Yening wenten sinilih tanggal Prajura Badjar tan macak pefjor, wasta sajeroning
nem isih katanggahan wenten kramania tan mamodjor, patit Prajura Badjar
dhandha mndit parajem. ? * ~ 4

Pawes 43

Indrik Pangusabaan

Sajawaning piodalan, Dea Adat Omakpa taler ngamargiang pangusabaan
pamarginyane kadi ring sor:

- ca. Pangusabaan inucap kasangga olih krama dea sami tur nyodi sinilih tanggal
rahina Tijem Kadase tanggal apisan ulihwi tanggal ping kalih isih hyesta mndit
ayuning padewasan.
- ca. Yening wenten krama jagi nandan, pangusabaan punika kangkat karangkadug
malih atijem mndit pawilangan dewasa.
- ca. Dasa rahina sahuring pangusabaan I Ksien Dea patit ngalakapayang manuhun
sang Hyang, inggit punika madab kaber patit ring tangga margi caruak
madaburan karaman sapututna, maka cila ngawit rahina punika caruak tan dudu
kapanduhon ulihwi kasangga gawit ngalakapayang patwa-twaan ngawit rahina
pangusabaan caruak caruak tur kaber punika sangra kaber.
- ca. Yan caruak madanya nandan, banten madabur sang Hyang punika kamatalang
untuk sang nandan.
- ca. Prada wenten manawig karuak kadi kasap ring ajung patit keni pamiadhandha
mndit parajem, sana sana kapanduhon patit kaber, olih sang madura-kapanitan
tur katuranyang sampok ring sawangan soru saku upadun sapututna.

ga. Tingkahe ngamargiang larangan nanem sakadi ring ajeng, puput antuk sawen kober putih kewanten. Tan wenang malih madamyak ring sane patūt nganggen setra punika, santukan kasinanggeh sâmpun uning ring pamargin adat saking ngūni.

Pawos 44

- (1) Ring rahina panyaak, tigang rahina sadurung pangusabaan krama Deśa Adat Gunakṣa ngwentenang jaga-jaga sane kasanggra Prajuru Deśa Adat taler olih krama bañjar ring Deśa Adat Gunakṣa mănūt lilitan. Banteng jaga-jaga inucap sâmpun cula tur tan cedangga.
- (2) Ring rahina kalaksanayang nyambleh godel ring Dhaḷem Setra. Karya inucap kasanggra olih Prajuru Adat saha olih krama bañjar ring Deśa Adat Gunakṣa mănūt lilitan. Yan tan wenten jadma makarya nandan godel inucap kamedalin antuk deśa, nanging yan wenten jadma makarya nandan godel inucap kamedalin antuk sang makarya nandan. Ageng godel inucap kacihnayang antuk tanduknyane saniṣtane sâmpun mapañjang aguli tur tan cedangga.

Pawos 45

Karya Nandan.

- (1) Karya nandan teges ipun nawur dhaṇḍha ring ameng-amengan jagat Gunakṣa, antuk kaiwangan kawitania wiadin leluhumia ngūni, tur ngastitiang kawitan, wiadin pitarania mangda mantuk ring sangkan paraning numadi saha preti-sentanania prasiddha mangguh bagia.
- (2) Pidabdab karya nandan lan kakenan sang makarya nandan luire:
 - ha. Sapasira ugi pacang makarya nandan patūt masadok ring Prajuru Deśa, saniṣtania aśaśih sadurung Tilēm Kadasa.
 - na. Yan sane pacang makarya nandan saking dhura deśa, wus masadok patūt ngwentenang jinah gegaleng ring Prajuru Deśa kehnia apanuku godel dandan asiki. Yan prade wangde makarya nandan saha tan wenten larapan sane patūt ngawinang tan durus, jinah punika sane dados gegaleng punika leleb. Nanging yan durus, jinah gegaleng punika matulak ring sang madruwe karya.
 - ca. Yan sinalih tunggil warga saking Deśa Gunakṣa masadok pacang nandan, tan wenang nawur jinah gegaleng. Nanging yan tan durus nandan sangkaning tan wenten larapan sane patūt ngawinang wangde,

sang masadok pacang nandan punika wenang dhaṇḍha keṇia apenuku godel asiki. Yan tan katawur wenang kamargiang kadi awig-awig deṣa puniki.

ra. Sang ngarep sane jagi makarya nandan pinih riin patūt ngamargiang pangundang ring Prajuru Deṣa, panyarikan, kabayan, gaduh, pamangku dhaḷem, muang pamangku puseh.

ka. Kālaning wenten makarya nandan, sang makarya patūt nawur kakenaan sakadi ring sor:

1. Kālaning matuhun Sanghyang:

- + Yan saking Deṣa Gunakṣa keni beras accheng taluh abungkul.
- + Yan saking Deṣa Sampalan keni beras limang ccheng taluh limang bungkul.
- + Yan saking deṣa siosan keni beras dasa ccheng taluh dasa bungkul.
- + Prajuru Deṣa yogya ngwentenang sedahan, upakāra sedahan tekaning jinah sesari sapuputnia kamedalang olih sang maduwe karya.

2. Rikala Panyaak patūt nawur panañjung batu:

- + Sane keni panañjung batu wantah sang kakaryanang uthāwi kadandanang nunggal tiga (asiki sane ngarep kakalih makiñcung).
- + Yan saking Gunakṣa keni panañjung batu 88 jinah bolong sane ngarep, sane makiñcung soang-soang keni 44 jinah bolong. Panebas kumaligi 250 jinah bolong apasang, ayam gumerot aukud. Sang makarya keni pangetak jaga-jaga 250 jinah bolong.
- + Yan saking Sampalan panañjung batu 6750 jinah bolong sane ngarep, sane makiñcung soang-soang keni 3375 jinah bolong, panebas kumaligi 500 jinah bolong apasang, ayam gumerot aukud. Malih sang makarya keni pangetak jaga-jaga 250 jinah bolong.
- + Yan saking deṣa siosan keni panañjungbatu 13.500 jinah bolong sane marep. Sane makiñcung soang-soang keni 6750 jinah bolong. Malih panebas kumaligi 500 jinah bolong, ayam gumerot aukud, pangetak jaga-jaga 250 jinah bolong.

ga. Siosan kakenan ring kecaping ajeng, sane ngajengin karya nandan keni:

1. Ajengan abale.
2. Ulam petang karang mabeteg maetuh.

3. Sajeng akelukuh.

4. Sedah rangkep abokor-bokoran.

5. Panebas tulis papekatan ring panyarikan 66 jinah bolong kang sadiri sanc kadandanang.

ta. Imba tulis papekatan kadi ring sor:

"Atur ulun ring paduka Bhatara, wenten atur ulun ne samanten ring paduka Bhatara, kesadian pinunas ulun ring paduka Bhatara, puniki panawuran ulun, pegat seperantasan, muwah panawuran ulun ring trepa-trepi, tarulata, gulmajeggama, mangkin ulun tan wenten mahutang ring paduka Bhatara, paduka Bhatara tan wenten mapihutangan ring ulun, muwah ring sentanan ulun, muwah saputra-putrakan ulun, apan sumpun puput panawuran ulun ring paduka Bhatara, puniki panawuran ulun ring dina anu, tanggal anu, jasih anu, ingkel anu, rah anu, isaka anu, Titiang I anu, saking anu"

ma. Sadurung Prajuru Desa pepek nampi upakara sakadi ring ajeng pamangku tan dados nganteb bebanten.

nga. Rikala ngeladang tangluk (panampahan ngusaba) sang maduwe, karya patit nawur ring Prajuru Desa:

1. Panumbas padang 66 jinah bolong.

2. Panumbas takilan 66 jinah bolong.

Sane keni sang majep ngetang sang kadandanang nunggal tiga.

ba. Siosan ring punika sang maduwe karya patit ngaturang pajati tekarang jinah malang kehnia: ring Pura Dharma Pakeñca 66 jinah bolong, ring Pura Puseh 66 jinah bolong, Bhatara Bhasukian 66 jinah bolong, Bhatara Ghana 66 jinah bolong, Bhatara Kunjaras 66, ring Pura Bale Agung 66 jinah bolong, Pura Dangin Puseh 33 jinah bolong, Panyungsungan Kabayan 33 jinah bolong, Panyungsungan Gaduh 33, Pura Pasek 33 lan Kedangkan 33 jinah bolong.

sa. Godel dandanan punika tan kangge sane kawastanin cendangga. Yan tanduk nyane kirangan ring aguli, sang nandan patit ngwewehin antuk jinah, mangda manlit ring pangargan godele sane kangge.

Paweweh jinahé ugi katawur pramangkin.

- wa. Ring rahina pangusahaana ring Dhalém Setra (Dhalém Cungkub), sadurung Prajuru Désa pepék nureksa bebanten miwah godel, jero mangku tan kuasa nganteb banten.
- la. Rikala krama désa ngrewuhang godel dandaman, sisaning kasambéh mangge aci ring Dhalém Setra, patit kaadol olih Prajuru Désa bebjangnyane tan malih ngamargiang arah-arab.

Pawot 46

- (1) Ring soang-soang panyungsungan Désa Adat Gunung patit kadegang pamangku.
- (2) Tata cara nyodi Pamangku dudonana kadi ring sor:
 - ha. Mawit saking katurunan pamangku.
 - na. Malasapan sasodan olih krama désa.
 - ca. Nyadjan.
- (3) Sang tan kawenang dados pamangku:
 - ha. Sang sane cendangga.
 - na. Sang amungpang paraning laku.
 - ca. Tan kataromin antuk krama désa.
- (4) Tata cara ngadegang pamangku:
 - ha. Mawinten.
 - na. Patit mawidhiwidhapa pinaka upasaksi ring gunahnyane kadegang dados pamangku.
 - ca. Yan ngadegang pamangku désa, saburab-arab pawintenan lan pawidhi-widhanane patit kasangga olih krama désa sami.
- (5) Swadharmaning pamangku:
 - ha. Asuwaka dharma, astiti bhakti ring Ida Sang Hyang Widhi Wasa.
 - na. Ngenterang, ngastawyang sahanan upakara utahwi upakara, yan sampun polih uwak-uwakan saking Prajuru Désa.
 - ca. Ngastawyang ritakala wenten krama pecang ngaturang punia, utahwi mutas karahajengun ring pura.
 - ra. Ritakala ngenter yajña utahwi piodalan ring Pura Désa, pamangku désa imutap patit :

1. Pinaka pangenter pangarep ring pura.
 2. Yogya polih pangrembe pamangku-pamangku siosan.
 3. Kawenangang niwakang pitudhuh ring para pamangku sanak, taler ring krama Deśa Adat Gunakṣa.
- ka. Yan prade jero mangku ngarep kapialang jantos tan prasiddha ngamargiang upacāra ring pura, patūt upacāra kamargiang olih pamangku sane siosan uthāwi pamangku sane kacawis Prajuru Deśa.

Pawos 47

Kasukerthan pamangku:

- ha. Krama deśa muang para pamangku deśa, sami pada ngutsahayang mangda pamangku deśa tan keni ujar ala, saha jero mangku deśa tan nglempasin swadharmaning pamangku.
- na. Yan prade krama deśa mabhukti maujar ala ngletchin pamangku deśa, krama inucap wenang keni pamidhaṇḍha upacāra lan artha mānūt paraṇem.
- ca. Yan prade wenten pamangku deśa piwal ring śāsana nyasar laku wenang lumakṣaṇa nyepuh raga saking prabea pamangku inucap.
- ra. Yan prade ageng dosania, noracāra, banget lempas ring tata śāsananing pamangku, wenang kausanang dados pamangku muang ngwaliang druwen deśa sakañcan sane karakṣa sahananing prabea pawintenanian ngūni, tur keni pamidhaṇḍha mānūt paraṇem.

Pawos 48

Olih-olihan pamangku:

- ha. Polih luput manuk.
- na. Polih pah-pahan sesari banten mānūt paraṇem.
- ca. Yan pamangku deśa śeda tan wenang kapendhem, saupakāra pitra yajña mānūt paraṇem kaprabeanin olih deśa sajawaning wenten bhisama olih pamangku sane śeda uthāwi kulawargania.

Pawos 49

Pamangku kagentosin riantukan:

- ha. Śeda.

na. Pinunas ngraga sangkaning tan prasiddha ngamargiang swadharmaning pamangku.
ca. Kausanang olih krama deśa malarapan iwang pamargi.

Palet 2

Indhik Resi Yajña

Pawos 50

Yaning wenten krama deśa pacang madwijati patūt masadok ring Prajuru Deśa, PHDI lan Guru Wiśeśa. Yan wantah sasuhunan krama deśa adat, krama deśa patūt ngwentenang punia kalih ngremba karya inucap, nanging yan boya sasuhunan pamargine krama suka.

Palet 3

Indhik Pitra Yajña

Pawos 51

(1) Sahanan upakāra pamreka sang wus lampus kabawos pitra yajña luire: nyiramang śawa, mendhem, ngeseng śawa uthāwi atiwa-tiwa. Wus punika kalanturang antuk upakāra pangroras, ngangkid, nuntun.

(2) Pidabdab mendhem lan ngeseng śawa kamanggehang kadi ring sor:

ha. Yan sang lampus wus apupak uthāwi ketus untu patūt nganūtin padewaśaan pangutangan śawa makadi ring kecaping wariga māmūt dreṣṭa, saha nunas panugrahan sang sulinggih. Yan rare/anak durung apupak, kalugra mendhem pramangkin tan ngantos dewaśa.

na. Genah mendhem ring setra ugi.

ca. Ida Sang Sulinggih wenang amilih genah ritatkala atiwa-tiwa māmūt dreṣṭa.

Handwritten note: Māmūt / Māmūt?

Pawos 52

(1) Pamargi padewaśaan mendhem uthāwi atiwa-tiwa taler kapidabdabin māmūt paetangan deśa kāla patra. Ring dina Pasah, Prawani, Tiləm, Purnama, Semut Sadulur, Kāla Gotongan tan kadadosang mendhem śawa uthāwi nglakṣanayang atiwa-tiwa.

(2) Ritatkala wali ring Pura Kahyangan Deśa krama deśa tan kapatutang mendhem śawa uthāwi atiwa-tiwa.

- (3) Ngawit dasa rahiṇa sadurung pangusabaan yan sāmpun matuwun sanghyang sane kacihnayang antuk kober putih ring tanggun margi setrane, sapa sira ugi tan dados mendhem uthāwi atiwa-tiwa ring setra sajebag Deśa Adat Gunakṣa.
- (3) Krama bañjar tan kapatutang makajang mendhem śawa uthāwi atiwa-tiwa sajeroning arahiṇa.

Pawos 53

Jadma dhura deśa sajaba saking Deśa Adat Sampalan wawu dados mendhem uthāwi atiwa-tiwa ring setra krama Deśa Adat Gunakṣa risāmpune polih uwak-uwakan saking Prajuru Deśa, tur keni penañjung batu mānūt paraḥem.

Palet 4

Indhik Mānuṣa Yajña

Pawos 54

- (1) Mānuṣa yajña inggih punika upacāraning dharmaning mānuṣa ngawit saking patemuning kama bang kalawan kama petak sajeroning garbawasaning ibu jantos lampus riwekas.
- (2) Upacāra kadi ring ajeng luire:
 - ha. Magedong-gedongan.
 - na. Tatkala rarene wawu embas.
 - ca. Kepus odel/malepas awon.
 - ra. Tutug akambuhan (42 rahiṇa).
 - ka. Rare mayuśa tigang śaśih.
 - ga. Rare mayuśa enem śaśih/aweton lantur mapetik rambut.
 - ta. Tutug kelih.
 - ma. Mapandes.
 - nga. Mawiwaha.
 - ba. Mawinten.
 - sa. Madwijati
- (4) Upacāra inucap ring ajeng kālaksanayang nganūtin kecap śāstra agāma, niṣṭa, madya, uttama,

(5) Sisa ring spectra termasuk yang umum karena mencakup berbagai macam kategori kategori.

Page 55

- Page 96

- Page 52

- 2000

- sukacitta, kadulurin antuk upasakṣi sekala lan niskala.
- (2) Pidabdab pawiwahan ring Deśa Adat Gunakṣa majalaran pamargi kapuruṣa.
- (3) Pamargin pawiwahan wenten papalihan ipun luire:
- ha. Papadikan.
 - na. Ngrangkat uthāwi ngrorod.
 - ca. Nyeburin uthāwi nyentana.
- (4) Pidabdab sang pacang mawiwaha luire:
- ha. Sang sāmpun mungguh daha truṇa.
 - na. Sangkaning padha ṛeṇa miwah sangkaning tan kaparikoṣa.
 - ca. Yan prade ngambil jadma sios agāma patūt kamanggala antuk upacāra sudiwadani.
 - ra. Yan wenten wong lanang saking Deśa Adat Gunakṣa ngambil anak trīwangsa, pinih riin wadone patūt kaupacāra pati wangi ring Pura Bale Agung, wus punika wawu mabyakāla.
 - ka. Nganūtin kecap śāstra agāma.
 - ga. Saha nganūtin pidaging Undang-undang Perkawinan.
- (5) Yan tan mānūt kadi kecap ring ajeng kasengguh tan nganūtin daging awig-awig, tur keni pamidhaṇḍha mānūt paraṇem.

Pawos 58

- (1) Pawiwahan kabawos sāmpun puput tur prasiddha ring Deśa Adat Gunakṣa luire:
- ha. Pamargin pawiwahane sāmpun nganūtin pidabdab pawiwahan ring Deśa Adat Gunakṣa sakadi ring ajeng.
 - na. Sāmpun mawidhiwidhaṇa saniṣṭania mabyakawon.
 - ca. Kasakṣinin antuk Prajuru Adat miwah Guru Wiśeṣa.
 - ra. Sāmpun mungguh ring ilikita Deśa Adat Gunakṣa lan ring Guru Wiśeṣa.
- (2) Pawiwahan kabawos tan patūt uthāwi tan prasiddha luire:
- ha. Papakṣān uthāwi tan padha ṛeṇa.
 - na. Durung tutug yuṣa.
 - ca. Tan paupasakṣi.

ra. Tan pailikita pinaka saksi bhukti.

ka. Miwah sane tan mănūt kecap śāstra agāma.

Pawos 59

Tata cara parabian ring Deśa Adat Gunakṣa sakadi ring sor:

ha. Sang pacang marabian puruṣa lan pradana patūt masadok ring prajuru iṇdhik pamargin parabiania.

na. Pamargin papadikan madudonan sakadi ring sor:

1. Pakrunan ping kalih luire: pawirasan lan pangambilan.
2. Yan wenten warga deśa mawiwaha, malarapan antuk padha treṣṇa, tan patūt malih ngluku soang-soang ring kula warga pradana, sang madrebe sanak pradana naulin kula wargania nyakṣinin ritakala pawiwahan uthāwi pangambilan.
3. Yan padha tulus bebawosane tur sami padha anūt, kawentenang pamuput kacihnayang antuk suaran kulkul.

ca. Prade ngrangkat uthāwi ngrorod, sang sane ngrangkatang patūt lumakṣana kadi ring sor :

1. Mapisedek sanistane kalih diri tan kasepan ring awengi tur kaenter antuk Prajuru Deśa uthāwi bañjar.
2. Ngwentenang pamalaku (panglukuan) jantos puput.
3. Duluran pamalukuan luire : canang pangrawos, sedah lan lañjaran.

ra. Yaning padha tulus (kaledangan), warga sang wadon raris nunas ring Prajuru Bañjar mangda nyuarayang kulkul bañjar makacihna pamargin rangkate sāmpun puput.

ka. Pinunas suaran kulkul pamuput pawiwahan, masarana pajati madaging sesari mănūt paraṅem.

ga. Yan sang adruwe wadon tan prasiddha muputang pawiwahannia sajeroning tigang rahina, yadiastun papaḷetania sāmpun mănūt, sang ngambil patūt masadok ring Prajuru Bañjar sang wadon, tur prajuru nitenin pamargine. Yan prasiddha puput prajuru wenang nyuarayang kulkul.

Pawos 60

(1) Yan wenten kaicalan pianak istri, sang madruwe kapatūtan yogya masadok ring prajuru muang ring sang wenang saha nunas pitulung pacang maseserep.

- (2) Prajuru patūt ngenterang pamargin maseserep mangda nganūtin tata kertha deśa.

Pawos 61

- (1) Mānūt pamargin Undang-undang Nomor 1 Tahun 1974, sang lanang tan patūt ngamaduang, sajawaning wenten uwak-uwakan saking istrīnyane kapertama lan Guru Wiśeṣa.
- (2) Yaning wenten wong istrī tan alaki rabi mobot, patūt kapidabdabin sakadi ring sor :
- ha. Sane mobot uthāwi wirangnia patūt digelis masadok ring sang mobotin iṇdhik kawentenania.
- na. Prade sang kadalih tan ngangken mobotin, sang mobot uthāwi wirangnia mangda patūt digelis masadok ring Prajuru Deśa mangda midabdabin pariṇdhikania.
- ca. Prade Prajuru Deśa tan prasiddha mawosin, paiṇdhikan inucap katur ring Guru Wiśeṣa.
- (3) Yan sang mobot tan wenten nalih sane mobotin, sang mobot uthāwi kulawargannyane patūt keni pamrayāścitta ring pempatan deśa, kapuput olih Sang Sulinggih, kasakṣinin antuk Prajuru Deśa.
- (4) Prade wenten wong mamitra ngalang, wong inucap kapidabdabin kadi ring sor:
- ha. Yan sane mamitra durung alaki rabi, kautsahayang mangda digelis majangkepan.
- na. Yan sinalih tunggil uthāwi sami sāmpun alaki rabi, patūt keni pamidhaṇḍha tur wicara inucap kengin katur ring Guru Wiśeṣa.
- (4) Yan wenten wong drati krama, salah timpal, miwah ulah ala saha panunggalania, sane ngawinan cemer jagat, wong inucap taḷer keni pamidhaṇḍha tur mrayāścitta deśa kadi ring ajeng.

Palet 2

Iṇdhik Nyapihan

Pawos 62

- (1) Sang wusan marabian uthāwi palas tan siddha anūt satinūt alaki rabi kabawos nyapihan. Yaning wusan marabian sangkaning kalayu sekaran sinalih tunggil kabawos balu.
- (2) Yan wenten sinalih tunggil krama deśa ayat pacang nyapihan, Kelian Bañjar muang Prajuru Bañjar uthāwi Deśa patūt midabdabin mangda adung malih. Yan tan prasiddha, kasadokang ngrawuhang wicarane ring Guru Wiśeṣa.

- (3) Sang ayat pacang nyapihan taler mangda nganūtin daging Awig-awig Deśa Adat
Gunakṣa muang pawarah-warrah saking Guru Wiśeṣa.

Pawos 63

- (1) Yaning riwekas sang pecak nyapihan saha sām̐pun kadamyakang ring bañjar malih
adung makuṣenan patūt keni pamidhaṇḍha ring bañjar. Yan prade bawos punika
kantos ke deśa, patūt dhaṇḍha nikel. Wong inucap kabawos malikin somah.
- (2) Nanghing yan anake luh inucap ring ajeng sām̐pun nahenin makuṣenan saṅg
wong lianan, punika tan kabawos malikin somah. Wong inucap tan nawur
pamidhaṇḍha, sakawanten ugi mangda mawidhiwidhana malih.

Pawos 64

- (1) Balu luh sane katinggal lampus antuk suaminia uthāwi balu lanang sane pecak
nyeburin, patūt ngamargiang swadharma kadi ring sor:
- ha. Ngamanggehang kapatibratan, tan paradara, tan drati krama.
- na. Ngamargiang ayah krama mām̐t awig-awig.
- ca. Ngrakṣa, nguasayang lan miara sahanan warisan, paguṇakaya lan sentanania.
- ra. Tan kengin ngadol uthāwi makidihang warisan, sajawaning polih uwak-
uwakan saking pakulawargan rabine saking puruṣa.
- ka. Kengin ngidih sentana yan sām̐pun polih uwak-uwakan saking kulawarga
puruṣa.
- (2) Balu sane kabawos tan pageh ring swadharmaning balu luire:
- ha. Matingkah drati krama lan sapanunggalania.
- na. Matilar tan pasadok langkungan ring 6 (nem) śaśih.
- ca. Mawiwaha uthāwi ngrorod.
- (3) Balu sane tan pageh ring swadharmaning balu kadi inucap ring ajeng prade
kacihnayang mām̐t Trī Pramaṇa, salah prawertinia wenang katundung olih warga
kapuruṣa saha tan polih pah-pahan warisan.
- (4) Prade balu sane tan pasentana pageh ring swadharmaning balu, warga kapuruṣa tan
wenang nundung tanpajalaran. Yan prade katundung tanpajalaran, sang balu
wenang polih pah-pahan paguṇakayania sami matenga.

Palet 3

Indhik Sentana

Pawos 65

- (1) Sentana wenten kalih soroh: sane kaucap pretisentana lan sentana paperasan.
- (2) Sentana sane metu saking pawiwahan, sane sampun kaupasakṣi sekala lawan niskala, kabawos pretisentana.
- (3) Krama deśa sane sampun mayuṣa 45 (setimān) warṣa, lanang uthāwi wadon prade durung marabian kengin ngidih sentana. Sentana inucap kawāṣṭanin sentana paperasan.
- (4) Sang pacang ngidih sentana patūt masadok ring prajuru tigang śaśih sadurung panamaya pamerasan, tur kawentenang pasaduarep ring kulawarga warisnia.
- (3) Yaning ngidih sentana, patūt polih uwak-uwakan saking waris puruṣa, tur kapuput olih Sang Sulinggih, saha kasakṣinin olih prajuru deśa lan bañjar.

Pawos 66

- (1) Paperasan sane kapatutang ring Deśa Adat Gunakṣa luire:
ha. Sampun puput mawidhiwidhaṇa pamerasan.
na. Upacārania kasakṣinin olih Prajuru Adat lan Guru Wiśeṣa.
ca. Sampun mungguh ring ilikita.
- (2) Sane kapatutan karajegang sentana luire:
ha. Warga magāma Hindu.
na. Kautsahayang warga sane mawit saking waris kapuruṣa.
ca. Kautsahayang sane pacang kaperas kantun alit.
ra. Durung marabian saha durung makrama bañjar, mangda tan kaucap ngeṇcak patus.
ka. Meras sentana kengin langkungan ring adiri, lanang wiadin wadon.

Pawos 67

- (1) Yaning wenten krama Deśa Gunakṣa wangde ngidih sentana sane sampun kadamyakang ring bañjar uthāwi ring deśa, patūt keni pamidhaṇḍha mānūt paraṇem. Dhaṇḍha punika satenga katiba ring bañjar, sate-

nga malih katiba ring désa.

- (2) Sang wangde ngidih sentana, saantukan sang sane wangde kaedih wawu tedhun makrama bañjar patūt keni panutug. Jinah panutug punika katawur antuk sang wangde ngidih.
- (3) Yan sang pakidih mamanan wangde pakidih, dhandha miwah panutug katawur antuk sang wangde pakidih.
- (4) Yan sang ngidih sentana wangde ngidih, sahanan paperasan marūpa tegal, carik katiba ring sang wangde pakidih.
- (4) Yan sang wangde pakidih mamanan wangde pakidih dados sentana, sahananing paperasan marūpa tegal, carik patūt kawaliang ring sang ngidih.

Palet 4

Indhik Warisan

Pawos 68

- (1) Warisan inggih punika: sahanan tetamian artha braña saha ayah-ayahan ngupadi sukertha sekala-niskala saking leluhurnia aṛep ring sentanania.
- (2) Sane kabawos pawaris, waris lan warisan inggih punika:
 - ha. Leluhurnyane kabawos pawaris.
 - na. Sentanannyane kabawos waris uthāwi ahli waris.
 - ca. Artha braña miwah tetegenan uthāwi ayah-ayahan kabawos warisan.
- (3) Sane kabawos ahli waris inggih punika:
 - ha. Kaping ajeng pṛetisentana puruṣa, sentana rajeg uthāwi nyeburin lan sentana paperasan.
 - na. Prade tan wenten sakadi ring ajeng, taḷer kangsinanggeh ahli waris inggih punika papernahan ngunggahang lan ke samping makadi ṛerama, sameton, misan, ṛerama dimisan, lan salanturnyane.

Pawos 69

Swadharmaning waris uthāwi ahli waris sakadi ring sor:

ha. Ngamargiang uthāwi nyledihi ayah-ayahan pawaris.

- na. Ngutsahayang uthāwi polih pah-pahan artha braṇa warisan.
- ca. Ngūpakāra kahyangan mrajan uthāwi pura tetinggalan pawaris.
- ra. Nglakṣaṇayang sahanan pitra yajñan pawaris lan leluhurnia.
- ka. Nawurin sahanan utang-utang pawaris.

Pawos 70

- (1) Warisan kengin kaepah olih sang patūt ngwaris risāmpun swadharmaning ahli waris punika sakadi ring sor:
 - ha. Muputang pitra yajña pawaris lan leluhurnia.
 - na. Muputang utang-piutang pawaris.
 - ca. Nyledihi sahanan ayah-ayahan pawaris.
- (2) Pah-pahan warisan patūt mangda padu aṛep ring satunggil ahli waris.
- (3) Yan tetinggalan guṇa kaya, pah-pahannia taḷer kengin nganūtin pasubhaya pawaris sadawegnia maurip.
- (4) Sentana rajeg polih pah-pahan pateh ring pah-pahan sentana puruṣa.
- (5) Sentana dahatua patūt polih pah-pahan sakadi sentana puruṣa.
- (6) Sinalih tunggil sang sane ngwaris ring ajeng kengin tan polih pah-pahan prade:
 - ha. Alpaka guru rupaka.
 - na. Nilar śāsananing Agāma Hindu.
 - ca. Sentana rajeg kesah mawiwaha, nyentana nyeburin, uthāwi kesah maperas soang-soang kabawos ninggal kadaton.
- (7) Sane kapatūt tan polih pah-pahan, sakewanten kengin muponin pah-pahan warisan sakadi ring sor :
 - ha. Sang mulih daha, mulih truṇa lan kulawarga sane pecak kaperas, riyantukan polih ninggal kadaton.
 - na. Balu luh uthāwi muani nyeburin.
- (8) Sentana luh salami durung kesah mawiwaha, uthāwi tan alpaka guru, prade malakṣaṇa logika sanggraha, mawastu madrebe pianak kabawos babinjat. Pianaknyane kengin ngwaris paguṇakayan ibunia kemaon.

- (9) Pawaris rikala kantun maurip kengin mapaweweh aṛep ring sentana, pinaka:
- ha. Jiwa dhaṇa, tatadan uthāwi bekel pinaka paweweh tetep ring ipianak sane kesah mawiwaha.
 - na. Pangupa jiwa, paweweh saking pawaris marūpa pamupone kemaon.
 - ca. Pedhum ngemong uthāwi pedhum rakṣa, pah-pahan waris padgatakala ngantos pedhum paṣṭika pawaris aṛep ring ahli waris.

Pawos 71

- (1) Prade sajeroning pakulawarga wenten sang sane ngwaris langkung ring adiri, kapatutang:
- ha. Ngwentenang paigum iṇdhik pedhum waris inucap.
 - na. Yening tan prasiddha, katunasang tetimbang ring Prajuru Deśa.
 - ca. Prade wenten taḷer tan trima ring panepas prajuru kengin nunasang pamutus ring Guru Wiśeṣa
- (2) Yan wenten pacang nunas tetimbangan ring Prajuru Deśa, prajuru patūt nitenin lelintih saha nibakang panepas, sane kapatutang sakadi ring sor:
- ha. Sang sane ngwaris saking kapuruṣa.
 - na. Papernahan ngunggahang.
 - ca. Papernahan ke samping.
 - ra. Yaning tan wenten kadi inucap ring ajeng sahanan upakāra lan padruwenyane kasukṣerah ring bañjar.
- (3) Prade yan wenten jantos ngepah carik uthāwi karang ayahan deśa, soang-soang ahli waris patūt katedhunang ngamargiang ayahan krama deśa ngaṛep.

SARGA VI

WICARA LAN PAMIDAṆDHA

Palet 1

Iṇdhik Wicara

Pawos 72

- (1) Sane wenang maosin uthāwi mutusang wicara ring Deśa Adat Gunakṣa inggih punika Prajuru Bañjar

- lan Prajuru Deśa sane sinanggeh Kelian Patus.
- (2) Pamutus panepase nganūtin petitis, pamikukuh sane munggah ring awig-awig Deśa Gunakṣa.
 - (3) Prade wicarane tan prasiddha molihang pamutus ring desa adat, wicara inucap kengin nunas pamutus ring Guru Wiśeṣa.

Pawos 73

- (1) Sahanan wicara sane mawiwit saking lakṣaṇa corah, bhaya, nungkas awig-awig sane mawasana pakewuh ring deśa, patūt digelis kabawosin antuk Prajuru Deśa Adat.
- (2) Sajaba wicara kadi ring ajeng, patūt ngantosang pasadok saking sang nunas bawos.
- (3) Panepas patūt paṣṭika:
 - ha. Paṣṭika nyantenang iwang patūt malarapan Tri Pramaṇa.
 - na. Tan maṇen mangda nganūtin ring iṇdhik Catur Dreṣṭa.

Palet 2

Iṇdhik Pamidhaṇḍha

Pawos 74

- (1) Prajuru Bañjar uthāwi deśa wenang niwakang pamidhaṇḍha ring krama bañjar uthāwi deśa sane mabhukti sisip.
- (2) Bacakan pamidhaṇḍha, luire:
 - ha. Ayah-ayah panukun kasisipan.
 - na. Dhaṇḍha artha miwah dedosan saha panikel paturunan.
 - ca. Pangupakāra uthāwi pamrayāścitta.
 - ra. Pamidhaṇḍha padewa sakṣi.
 - ka. Lan pamidhaṇḍha siosan mānūt paraṇem.
- (3) Ageng alit pamidhaṇḍha sane katiwakang mānūt kaiwangan uthāwi kasisipania, mānūt paraṇem.
- (4) Sahanan jinah uthāwi panawur pamidhaṇḍha, kasinanggeh druwen deśa uthāwi bañjar.

Pawos 75

- (1) Prade wenten krama sane langkung tigang paruman amandel tan nawur sakañcan utang lan panikelania marep ring desa muang ring bañjar, wenang katurang ring Guru Wisesa tur kadaut pipilnyane.
- (2) Pamidhandha sisip kadi ring ajeng prasiddha pūṣa buntas tinas apadang, yan sang sisip sampun;
 ha. Nunas geng sinampura ring krama desa uthawi bañjar sajeroning paruman, riantukan purun nguwak pasubhayan uthawi pasuara ring parañem.
 na. Nawur pamidhandha panguwak suara, nawur sakañcan utang lan panikelania, wang mucep mawali katerima sakadi krama desa uthawi bañjar sakadi ngūni.

Pawos 76

- (1) Yaning wenten krama ngembahang toya ring pakarangan anak lian yan tan polih uwak-uwakan patūt keni pamidhandha mānut parañem, saha nenten malih ngembahang toya ring pakarangan inucap.
- (2) Yaning wenten krama Desa Gunakṣa ngutang luu, wangke, wewalungan, kotoran uthawi limbuh ring kalen wiadin got ring nurung uthawi margi agung, miwah genah sane tan manut, patūt keni pamidhandha mānut parañem.
- (3) Yaning wenten krama tan miara telajakan kadi pawarah Prajuru Desa miwah Guru Wisesa patūt keni pamidhandha mānut parañem.
- (4) Yaning wong edan ngarusak palinggih uthawi sane siosan sane sinanggeh suci, sang druwenang kulawarga inucap patūt ngentosin palinggih sane karusak mānut karusakanna, saha mrayaścitta lan macaru.
- (5) Yan wenten jadma mayuddha^{maligandang} jantos masirat rah uthawi pādhem sinalih tunggil ring wawengkon Desa Adat Gunakṣa patūt keni pamidhandha mānut parañem saha panyapuhan pacaruan ring desa.
- (6) Warga desa tan kapatutang makta wong istri jalir uthawi istri tuna susila ring wawiaangan Desa Gunakṣa. Prade wenten malakṣaṇa sakadi inucap patūt keni pamidhandha mānut parañem, tur pamidhandha punika katiba ring bañjar miwah desa sam: satenga.
- (7) Yaning wenten wong lanang masanggama ring anak istri sane kantun alaki rabi, miwah wong lanang uthawi wadon sane tan alaki rabi, ngamargiang semara dudu turmaning keni kabhuktiang saha kasadokang ring Prajuru Desa maka kalih lanang miwah istri, keni pamidhandha mānut parañem, katiba ring

bañjar miwah deśa sami satenga.

- (8) Yaning wenten wong lanang masanggama ring wong wadon majalaran antuk marikosa, wong lanang keni pamidhañdha nikel mānut parañem, tur pamidhañdha punika katiba ring bañjar miwah deśa sami satenga.
- (9) Sahanan pamidhañdha inucap ring ajeng patūt nganggen gaguat uthāwi uger-uger beras mānut parañem.

SARGA VII

NGUWAH-NGUWUHIN AWIG-AWIG

Pawos 77

- (1) Nguwah-nguwuhin awig-awig Deśa Adat Gunakṣa puniki, kalakṣaṇayang antuk paruṅ desa.
- (2) Pam...s paruman inucap patut majalaran gilik saguluk, uthāwi kengin kaanggen suara sane akèhan sinanggeh pinaka pamutus.

Pawos 78

- (1) Sakaluring sane wenten sadurungnia patūt kaar... ring sadaging awig-awig puniki.
- (2) Sakaluring sane durung kabawos sajeroning awig-awig puniki patūt kalakṣaṇayang mānut tata cara sane sāmipun ketah mamargi, kadulurin antuk parañem-parañem.

SARGA VIII

PAMUPUT

Pawos 79

- (1) Awig-awig puniki kawāṣṭanin: Awig-awig Deśa Adat Gunakṣa.
- (2) Awig-awig puniki kamargiang ngawit karañemin antuk krama deśa.
- (3) Awig-awig puniki manggeh kalakṣaṇayang ring sajeroning Deśa Adat Gunakṣa.
- (4) Awig-awig puniki ngeninin sahanan warga, krama deśa lan sang kakuwub antuk Deśa Adat Gunakṣa.

Pawos 80

Sakaluiring pamargi pakraman sane durung kabawos uthāwi durung munggah ring awig-awig puniki, manggeh kalakṣaṇayang māmūt dṛeṣṭa sane sām̐pun ketah mamargi kadulurin antuk paruman.

Pawos 81

- (1) Awig-awig puniki karārem̐n duk rahiṇa: Saniścara Umanis Pujut, tanggal ping 13, śaśih Kasanga, Isaka Warṣa 1918, tanggal Maschi 22 Maret 1997, ring wantilan Deśa Gunakṣa.
- (2) Awig-awig puniki kalingga tanganin antuk Prajuru Deśa, Prajuru Bañjar lan Prajuru Dinas ring sawidangan Deśa Adat Gunakṣa, sane kasinanggeh Kelian Patus.
- (3) Lun nglingga tanganin:

Desa Adat Gunakṣa


(Drs. I Nyoman Nartha)

2. Penyarikan Desa Adat Gunakṣa



(Ir. I Nengah Ariyanta)

3. Petengen Desa Adat Gunakṣa


(I Nengah Mustika)

4. Kelian Banjar Patus


(I Nengah Pici)
(I Ketut Parsa)